

舜水先生文集

舜水先生文集卷之十二

門人

權中納言從三位西山源光因

輯

男權中納言從三位

綱條

校

○尺牘三

答安東親清

道義之交。異姓骨肉。古今以爲美譚。況在異國耶。令郎天姿純粹。志意高遠。誠有得於庭淑之深。迺不棄鄙陋。慨然以弟瑜爲宗。弟固無以拂其盛美。久欲修候。一則拘拘未同。一

則恐妨靜定。令節至。復拜嘉貺之辱。何稠疊  
無已至此。勉強登受。其心醉明德者。當與此  
捲相爲終始。不特周公瑾醇酒而已。謝謝外  
具拙筆壹幅。引意希莞存之。臨楮不盡惓切。

與安東守約十一首

前完翁云。賢契正月來。崎愚謂正月來可及  
二月初五之期。此日修先大夫之祀。非徒望  
賢契陪祭享餼而已。且先大夫峻潔端整。亦  
欲陰靈望見賢契溫良醇慤之色。責然歆格。

也。接來書知不可得。前書又不便。明旨相邀。今不可及矣。徒懷快快耳。

二

文公家禮中。評駁諸事。言之太早。俟不佞事有次序。或見或隱。然後暢言之。不佞亦欲考古合今。著此一書也。若使言而無害。不妨言之。但恐有識之士。實難其人。非立廟設表爲往。彼徒臆決未深省耳。將來一有橫議者。與之辯不可。不與之辯不可。故須躊躇批駁。古

人要當使死者心服。不然則爲妄肆譏評矣。不佞今年之病較甚往年。日則不得少息。夜則喘嗽達旦。坐則瞋睡頭暈。時欲嘔吐。誠非佳兆。諸事冗甚不能悉。

三

賢契篤於骨肉之情。此自賢契天性之獨厚。學問之獨充。乃又於兄弟病危之際。舍之而遠憂不佞。且欲同來餓死。今按。是時長崎火災。省庵妹病將死。省庵舍之而赴之。謂欲與老賢契之於不佞。師同餓死。歸後所寄之書也。

懇悃真篤。遂至於此。中人曰。下。或不能施之於其父。不佞腆顏當之。異日其何曰。答賢契。而能無愧於心也。且竊觀上下左右內外。自尊公老先生與貴知交而外。恐未有二人與賢契同好惡者。賢契何見而獨能及此。真不可解。但七十老翁。曰不佞之故。而干瀆之非孝也。所曰學者忠孝其大焉者也。曰後萬萬不可如此。至囑至囑。

四

尊公欲得拙筆。裱屏。賢契自當蚤言之。何乃  
哂嚙如此。老親有限之日。有一可日怡悅其  
心者。即當極力致之。況事在不佞哉。不獨尊  
公而已。即尊公極知愛之親友。欲得之而難  
於啓齒者。亦當曲探尊公之意。即寓書來寫  
致之。即所目悅其親也。本欲平時書上。緣比  
來逐日多病。欲速恐益不佳。製深衣裁工。爲  
屬官所獲。囚禁獄中。未來。來則急急爲之。無  
問其費矣。潦草則所費不甚相遠。而不可日

爲式。亦不可也。歷訪他工。無知者。今好此者多。但未有能之者耳。棺製曾成否。斬衰尚有數物。當候前工成之餘。再悉。

五

孔子生知之聖。其一生並不言生知。所言者。學知而已。如曰好古敏求。我學不厭。不如丘之好學也等語。可見聖人教人之法矣。陸象山王陽明之非。自然可見矣。不論中國與貴國。皆不當目之爲法也。伊藤誠修止之爲妙。



昔者劉惔與王濛遠遊而餒。有一人設盛饌招之。王濛亟欲往。劉真長不肯曰。小人未可輕與作緣。前書所問。且此而已。

六

鄉疎遠之人。多不能信其誠。一之若此。久交密交。無不知之。賢契前謂不佞質任自然。久而不變。此是不佞一生本色。此是賢契眼明口快處。魏文侯燕飲天雨。不失虞人之期。古史美之。直是裝點要譽耳。

七

完翁云。賢契欲過重九。方來極爲有見。前來  
呂張諸葛畫三幅。求題贊。完翁云。三幅俱要  
一樣高低上下。如此則大小長短俱要一同  
矣。俱不可差移。不佞未見此式。甚爲可笑。即  
如琢畏三亦深。自爲不然。不佞仍恐日本有  
此體制。故特走札問明。方敢落筆。恐污損名  
畫。深爲不雅。若四字韻贊。不佞平生所極鄙  
者。必不敢如命。且此畫既欲留之千古。會須

作一兩句千古語。如何。又欲草草塗塞。自相  
矛盾。可笑。

八

不佞在此。每事俱賢契週全。况賢契俸廩甚  
廉。而所惠如此。毋論中國與貴國。誠爲人情  
所難。去年及今。兩國人大爲感頌。非惟不佞  
銘佩而已。賢契尚且不豐爲歎。必如何。而後  
可無歉。是何言也。

九

喪祭之事。承諭自當著一書。但著書之事。前  
日質之。古人後日族之後賢。其中有一毫不  
妥。目前雖人人識賞。而百世之後。有一人議  
者。便非完璧。故須遲遲耳。俟居定。即當爲之。  
前木工未至。如琢亦冗冗。諸物俱未備。備則  
製來。衰衣之制。在不佞謂尚未允當。賢契乃  
如此珍重耶。

十

賢契年過四十。未有室。使踰七之老父。日夕

呂此爲憂。非所。呂爲孝也。孝道一虧。百事皆爲枝葉。無益也。七十感雉。無及矣。力所不能。而勉強爲之。呂悅親之意如是。而謂之孝。力有餘裕。不足謂之孝矣。惟居室之倫爲急耳。

十一

半載。呂來。不得音問。心甚懸切。前書謂風疾未瘳。不堪勞勩。今不知何如。有便希作書慰我。不必多。亦不必求其文。惟取達意而已。令卽能嬉笑。學步。呂娛老祖矣。希并呂寄聞。此。

間事欲詳細作一書致賢契。奈非病則冗。有  
便時輒至迫促。不佞與賢契相與。賢契視我。  
猶父。我不能毫毛益爾。靜言思之。實切慚愧。  
即欲求數日從容細談。亦不可得。何數之奇  
也。不佞承宰相上公厚愛。無與爲比。水戶學  
者大興。雖老者白鬚白髮。亦扶杖聽講。且贊  
儒道大美。頗有朝聞夕死而可之意。此或是  
一好機括。且云已前皆做昏夢。今日始知耳。

答安東守約九首

昨來兩札俱佳。不必更改。凡作書助語。如之乎者也等字。非甚不得已。不可用。句要勁。詞要古。而無用古之跡爲佳。所目一應文字。出之先秦兩漢者爲妙。若要近便適用。或取尺牘爭奇。蘓黃小品。選其可者。熟讀亦可。冗次不既。

二

前書醉後所草。深夜筆凍。誠恐率誤。未知何如。夙夜弗懈。勸學勵行。此今日空谷之音也。

而賢契能篤信而行之。及門必有可觀。貴國之文教。其有興乎。講周易左傳綱鑑。煩勞極矣。咬菜之軀。堪之乎。笑笑。左傳合經者。宜於解經。不便於讀。別有善本否。杜詩即欲寄上。因來人不能多帶。止寄五七律陸本。希炤收。

三

久不見賢契文。及今乃大長進。格局文勢意語俱絕佳。非尋常所可幾及。尚祈研精古來大作手。當成貴國一大作手。大名公勿徒草。



草也。至於理障之學。人已俱入混沌。須一切屏去。千萬勿目擾心。繇布公屏風六葉。要真字大字二行。如此則二十字內外。聖賢格言。如何可盡。此或是落筆時差誤。故須問明。然後爲之。即祈示知。若必欲如此。恐語短意深。不足目曉人也。

四

文公家禮。覓得速速寄來。目便起手。更得儀禮周禮爲妙。不考定諸書。不見定裁。恐不尊

不信。不信不從也。序稿改定附上。希灼收。

五

兩書俱領到。賢契因不佞乏人使令。欲遣盛使前來。此休戚相關之至情。極感極感。無論盛使有病。即病愈亦勿遣來。言語不省。一也。往來多費。二也。萬萬前燭欠精緻。有一人能爲之。當別寄來。不盡。

六

忠孝事大。不佞才劣。計庸。自揆初心。實多內

疾。父子夫婦之間。情義翹然。賢契乃獨上推  
夷齊。下逮曾連。謂爲義士。不獨今人貴古賤  
今。甚駭聞聽。卽不佞冒昧義此。罪戾轉深。他  
日得無忝所生。庶不爲知交之辱。秋間來此。  
共相講磨。食蔬飲水。相與有成。亦不佞大不  
幸中一大樂事。不佞於中夏四國。本來一體  
爲親。凡遇英才。樂於獎進。既已道合心孚。豈  
有彼此間別。門牆之論。雖爲謙德。實未深悉  
鄙懷也。寄來書籍。炤單察入。

七

昨見賢契來書。知畏三勵志向。學甚喜。畏三本有可教之資。久於荒棄。舊年忽有此想。所謂天牖其衷也。所爲極大關頭也。彼時聞之。曾對如琢云。此極妙事。今果然矣。賢契循循善誘。大啓其機。與他人教之功相百倍。異日有德有造。恩侔生育。不虛通家之誼矣。賢契前日之所譽。似爲過當。若使移目贈之。真切實而不浮也。喜而不寐。良然良然。

伊藤誠修兄策問甚佳。較之舊年諸作。遂若天淵。儻繇此而進之。竟成名筆。豈遜中國人才也。敬服敬服。片岡宗順文雖未得肯綮。而語氣絕無寒澁之病。大不類日本風味。少年又能力學。當大加獎進也。三詩不佳。且有大病。殊不侔其文。二兄作本不應批閱。改竄。因賢契之言。遂不顧僭越耳。至若門人之稱。恐非所宜。好爲人師。古今通病。且恐世人未必

復有安東省菴也。三省回。竟無信息。聞其母已故。或爲此耳。諸再悉。

九

初六日奉手書。距今二十日。懷念之深。但半遠濶。昨暮惠頒翰教。足慰渴思。復諭秋仲可晤。益喜。惟盛使舟行過風。幾至傾覆。此心殊不安耳。前書但不必復寄。既承來命。附使將上。惟慎之。虛囂自矜之士。不足與觀也。希炤入。疊承台惠。甚媿多儀。酌爵貪饗。難於報稱。

韓柳批評。自當如前點閱。諸情縷縷。非暗言。不得罄也。不次。筆談壹冊附壁。

與下川三省二首

汝瘡癰未愈。昨力旋。復聞汝感冒。不傷眠食。否。秋氣宜慎節。汝卧起煩躁。近又無忌憚。深爲念之。吾於汝。分爲師弟子。而實有父子之情。每爲過慮。二三分之疾。便作十分之想。若汝能曲體此心。則佳矣。若汝能如去冬及今。正二月。溫柔和緩。則吾無慮矣。在遠不能釋。

然故遣力走問。擬明日往見黑川保田二公。勢汝同行。若不能行。可呼小藍與乘之。不盡。

二

望其子爲聖爲賢者。父之道。肖與不肖者。一任其子之心。愛汝教汝者。師之道。率教與不率教者。一任乎汝之心。若教之有益耶。前者之言。非不足也。教之無益耶。今日雖更益千萬言。有何益哉。我於汝。費多少委曲。多少苦心。汝非木石。寧有不知之者。在汝自爲之。今



日脉畧好。甚喜。脾胃不好。調理亦易。看脉定。  
速速回來。不悉。

與奧村庸禮七首

別久晤稀。遠懷難釋。往日走候。思欲一爲傾  
瀉。乃以台駕入朝。不果。方圖再叩。中契濶。  
又復期日。寵招。辰刻且辱。令壻臨貺。訂約謝  
謝。但誼屬通家。當崇儉約。一羹二簋。儘足暢  
叙離情。多品多儀。更滋勞擾。況今大災之後。  
又當自卿士大夫力挽頽風。萬勿過費。且違

上令。不佞事事對直。惟祈炤察。別論當俟明日。面爲酌議。不盡。

二

情意初接。遂已遠離。半載而歸。又且匆匆。及多病。踈濶殊甚。賢弟惓惓無已。而不佞契然若此。深慮高明。或未能深原之也。刻下即當旋旆。念之。無以爲心。且不可知之別。如此草草。謂是理道乎。謂是情義乎。徒增悵惘耳。明早當造署面談。非此。恐無握手之期矣。賢弟

公務甚殷。未知得如願否。外齋額記序。凡八幅奉<sub>レ</sub>上。別具草具。惟祈<sub>レ</sub>炤存。遲緩爲罪。必能鑒<sub>レ</sub>。登<sub>レ</sub>。不宣。

三

千里遼濶。數載爲期。分手乃如此草草。甚難爲情。明晨扈從星馳。理難祖道。前已面叙。茲更言之。目明耿耿耳。賢弟恭勤敏練。事上之極軌。然途中飲食起居。亦宜節勞自愛。通侯抵都後。數字目寄平安。令即并希道意。順庵

令親。不及另書。前者屢屢勤奉。更懇叱名致聲。

四

繡勒鞞鞞俱成。雖不能精。差可脫俗耳。且不佞於此等事。向不留意。故不能詳也。按圖索驥。多有不相合者。惟額上之繡。及項鈴之所垂者。皆用繡。而工人堅謂繡驕難覓。今用馬鬣染色。恐不中大觀也。冗甚病甚。而工人來索書。潦草數字奉達。諸容再罄。

五

武夫悍將。詆譏文人無用者。彼祇見迂儒小  
 生。三村學究。膠柱鼓瑟。引喻失義者耳。如王  
 欽若輩。閉戶誦經賦詩。退虜者耳。若陸宣公  
 李長源。王文成。高文襄輩。圖度虜情。如指諸  
 掌。雖健將累百。有能出其範圍者哉。又安在  
 悉索刀瘢箭痕哉。是欲爲大將名將。必當讀  
 書。

六

東北相遠千里。遠道也。三年曰爲期。遠期也。  
遠道遠期。一旦而得。歡焉道故。抵掌論心。踰  
七之老。真爲望外之喜。數年以來。雖眷懷弗  
替。問遺頻仍乎。何如親接手容之爲快也。誠  
欲趨造邸中。一問修途車馬。攀和諧適。又念  
貴國主初入都門。輯瑞陳庭。政繁務冗。事上  
接下。賢契應無晷刻之閒。又不敢冒急欲相  
見之心。惴擾清思也。不盡欲言。可勝瞻渢。  
七

令即初到。即顧我。見其舉止端詳。言辭悃欵。大快人意。昨者貴國君命之職事。少年得之。此必有旨。深結夫至知者。賀賀。然此乃卿相之始基。而功業之嚆矢。若能日慎一日。而充之。且問學將來建樹。豈惟猶夫人而已乎。惟在加意懋勉耳。賢契當公務獨契之日。今按獨契之契。乃揮冗枉顧。雖足慰願見之心。而意殊歉歉。又重之。且嘉貺益增。愧赧矣。諸容再晤。面宣。

與奧村德輝五首

尊翁兩書俱言足下近況。詢來使。又知納祉。  
爲慰。足下託筆於令姊夫。問不佞平安。此情  
也。禮也。足下。目不能作唐書之故。恐有差誤。  
是目難於把筆耳。即用日本文字。託今井安  
積兩生讀之。亦是候問。不必拘拘於此。但望  
足下入奉父母。出而讀書。好古自然。日漸通  
透。至於時俗應酬。均爲末務也。亮之。亮之。

二



令曾祖母遐壽令終可謂無憾然賢孫令子  
之情雖百年亦未云多存歿之際必懷傷感  
昨日聞喪趨弔理自宜然何謂固辭又不得  
不止幸惟達意尊公足下久病新愈元氣未  
復尤當慎於霜露遼遠膝下初出從君事事  
皆須敬謹不可喜事而過勞不可失時而晚  
食外致蜜柑壹籠爲道中止渴之具耳諸旋軫面言

前日揮冗過辭。且遲暮不能具杯酒。從容握手。此行為遠別。爲久別。不佞老憊無侶。恐從此爲永別矣。又且薄暮速去。可勝悵快。今尊恙初愈。途中凡事當爲代勞。當曲體。又恐足下過於勞動。奈何。然不得不爾也。外具形管參矢。不足云敬。但爲他日國史東筆紀事紀言紀動之徵耳。哂入爲幸。不能走別。希惟昭亮。

四

別離容易。再會艱難。前賢目爲深慨。況不佞  
暮景榆巔。而足下新昏黃實。此來一會。殊出  
人意料之外。今但聊詢鞍馬平安耳。悅豫之  
情。尚當徐徐細記。

五

九方臯相馬。得其神駿。今不佞特皮相耳。不  
惟皮相也。牝牡驪黃。時或誤焉。故知非其技  
也。因玉屬聊以塞責耳。

答奧村德輝四首

自我不見于今三年。德業俱進。良有厚望。去冬及新歲。兩叨問遺。深銘至情。前後俱在病中。手顫心悸。不能一字作答。深用爲歉。釋奠習儀。禮之小而畧者。不足爲快。宰相上公欲習五廟之禮。不佞前年舊年。屢次力辭。上公堅欲一習。則今秋冬當有此舉。此爲大饗。儀文繁縟。節目多端。多士即能用心。必非一戲可及。一二年間。方當演肄。但使不佞殘喘若存。明年定與斯會。况服部其衷頗能習其度。

數不足爲歉也。兼惠能州解參臺箱領到端此附謝不既。

二

讀書勵行四字。盡爲學之事矣。而又加之曰。勉強則功無作輟。德不踰閑。循循而進。何有底止。咕嗶非他。咕嗶而咀其味。得其真則皆勵行之資也。足下尚視之爲二乎。不能咀其味。得其真。則文具而已矣。讀書何爲不佞老憊昏荒。不可名狀。相別未能一年。事事皆日。

暮途窮之意。不佞性本踈慵。而藤井茂英又云。度歲後。方復命。一遲至今。足下亦能原之乎。不盡。

三

不佞情懷種種。竟不知有獻歲之樂。展讀賀啓。娓娓祝長年之慶。上有加餐飯。下有長相思。一何懇懇哉。嗣聞足下有弄璋之喜。佳兒岐嶷。兆於初生之日矣。賀賀。爲人之父。勵行益不得自弛。益爲人之子。猶得託戲舞斑衣。

之意。寫我孺子之懷。一爲人父。則房闈之中。  
均不得自輕。不能自無知。欺孩提也。小女五  
歲之言。播傳人口。萬一再有晤時。容當共爲  
抵掌。

四

佻來。知闔府安好。惟令尊初夏得少恙。至今  
未痊。湯藥親嘗。孝之一事。非大也。體其心。代  
其勞。則稍大於此矣。令尊無疾而忽有疾。雖  
壯年。固當慎重。社者福也。本從示從止。而俗

書從衣耳。吉甫燕喜。既多受祉。言福也。若從足則騶虞麟趾矣。乃左右足之大拇指也。不可不辯。病甚不多及。

答古市務本三首

足下職司典謁。而新正又賀客雜遝。車馬填咽之時耶。乃於匆冗之中。遠念寂寥。惠呂莊東。雖復千里。猶記憶不忘耶。不佞久恙。近來三五月內。方覺少痊。然猶病根不除。寒熱時侵。此復又暑氣炎蒸。事未知如何耳。



二

代筆書隨到隨答。親筆書則或遲或速。未  
定期。歷覽名公箋啓尺牘。可知也。而亦偶有  
不然者。視其時勢何如耳。不佞本不拘拘於  
此。足下何自云然。貴邦人形跡不化。多責望  
於靡文。徃復之中。容或有之。足下何目及此。  
不佞四月間稍愈。迭復多病。蓬頭徙倚。無可  
容足之地。晝則望其速。夜則望其速。且幾  
同曷旦矣。光景如此。足下謂有善狀否。弟惠

醺野鴨，肆翼，謝謝。

三

世風日漓，生氣日薄。人壽因而日促，遂自百歲爲上壽，八十爲中壽，六十爲下壽，不佞今年七十有五，其於中壽庶幾哉，近之矣。祇自毫無所樹立，無可自復天之命我者，故不可自死。奈兩年來，病患相尋，恒無閑泰之日，其來也如遊子歸家，一蹴即至，其去也如他鄉故友分手東西，依依不捨。今太勢侶已退去。

或者來年猶得再晤亦未可知。然而不敢必也。報札遲遲。望勿爲過。

與五丈川剛伯二首

服部其束。薪水之費。三四年來。屢與足下言之。足下云。既已送。上。不便返。璧。不得已。權宜留此。不虞足下竟不爲我道明。此子事不佞如事父。朝暮服勤而不倦。一二年來。愈加周摯。逆旅孤老而得此。豈不深感顯思厚情。至若蔬食菜羹。不佞之力。能與共之。何事復須。

顯思經營且不佞老矣。衣食裁足而止。更不須多積金銀。已刻惠來黃金拾貳兩。暫留於此。俟足下至。說明而返之。每年但與質實冬衣一二件。目無失初意已爾。至於夏衣。不佞處甚多。亦不必更賜也。不盡。

二

束裝已竟。未本欲治杯酒。爲足下餞別。因足下此行。行不能端履。食不能耳味之時。故弗爲耳。外具粗菓陸囊。少具途中不時之需。惟

晒入。又下川三省書一封。希致之。如宗魯不  
在都中。足下即開析此書。炤數爲之。不盡。

答五十川剛伯三首

羣高令節。每憶龍山。遍插茱萸。所少豈惟一  
人而已。對物懷思。徒增感慨。葡萄馬乳。肥且  
秋風。造物之功。浚於時雨。興言及此。可以勝神  
媿。

二

細閱來章。足爲元日。一喜。纒纒有序。出之不

忙不迫。殆樂鍼之所謂整暇者乎。駢詞之體。肉豐則癢。骨露則癢。鑄辭易至於生。慎古必流於腐。輯千狐。曰爲裘。美則美矣。針線多痕。漆三毛。而成像。肖則肖矣。精神無主。清華流利。又能一氣呵成。斯爲上品。歐陽文忠之才。不能四六。非不能也。蓋曰圓活爲難耳。足下須潛心於此。才勝則詞流。學贍則辭典。爲青爲冰。是所望也。誰謂日本人必不能文乎。此真自暴自棄者也。諸晤言。

三

大明房屋高敞。銘旌貼孝堂之前。豎當楣。短小則不稱。限於官品者。無譏焉。若得爲之。必極其量。而後止。且此爲親戚僚友所贈。誰肯目短小之物。贈人。取怨於喪主。貽譏於他人。不佞在大明故。未嘗計及丈尺。日本房屋低卑。若鈔尺八尺加附。但難施用。當量其勢而爲之。且幅廣二尺。今之段與潞紬。大約一尺六寸。最廣者一尺七寸。則營造尺亦無不可。

且大明太老固亦有居於陋室者豈亦能建  
一丈幾尺之銘旌耶。看景生情。自通融之不  
必拘拘也。

與安積覺

汝前次書來云尊翁恙稍可。故有呼汝登來  
之說。佐藤彌四郎回後。汝書於初旬到。又聞  
尊翁病革。飲食不進。亦謂或輕或重。乃久病  
之常。不料竟至不起。此个子終天之恨。汝雖  
年幼。凡可目自盡者。均不可草草。不然則他



日成人。有學有識。悔不可追也。我亦幼孤。苦  
痛萬狀。故知汝淒楚。然汝獨子多病。豈不至  
毀而滅性。我前書致慶順及彌四郎。詳悉面  
言汝事。欲目瞑尊翁之目。汝必聞之矣。喪期  
五十日滿。儻無病可速速束裝前來。但前言  
必須與令親二三輩言之。毋忽。

答安積覺

三四日前。諸位皆來作賀。知汝得祿。恭喜之  
極。去此月餘。即有此嘉慶。上公天高地厚之

愚無能仰答。令祖立功於往日。而孫子食其  
惠。可見爲善蒙福也。令祖立功於他邦。而上  
公爲之錄其孫。未見疇勲之至於此也。汝宜  
勉之。送來鱗魚壹尾。領到謝謝。

舜水先生文集卷之十二終

舜水先生文集卷之十三

門人

權中納言從三位西山源光國

輯

男權中納言從三位

綱條

校

○策問

策問四首

其一

問孝經云。不<sub>レ</sub>愛<sub>二</sub>其親<sub>一</sub>而愛<sub>二</sub>他人<sub>一</sub>者。謂<sub>二</sub>之悖德<sub>一</sub>。不<sub>レ</sub>敬<sub>二</sub>其親<sub>一</sub>而敬<sub>二</sub>他人<sub>一</sub>者。謂<sub>二</sub>之悖禮<sub>一</sub>。誠千古之格言。聖人復起。不<sub>レ</sub>能易矣。而孟子誦法先王。

在<sub>二</sub>孔<sub>一</sub>門稱<sub>二</sub>亞<sub>一</sub>聖。其言曰。君子曰。仁存心。曰禮存心。仁者愛人。有禮者敬人。是他人皆當愛皆當敬也。何言之相戾歟。孟子猶私淑諸人。曾子則親炙聖門。而獨得其傳者。何。曰。於泰誓曰。惟仁人放流之。逖諸四夷。不與同<sub>中</sub>中國。此謂唯仁人爲能愛人。能惡人。獨有取也。愛人者。煦<sub>二</sub>嫗<sub>一</sub>燠<sub>二</sub>咻<sub>一</sub>。謂之仁矣。惡人者。放<sub>レ</sub>之流<sub>レ</sub>之。逖<sub>二</sub>四<sub>一</sub>夷。則殘忍慘刻矣。乃亦謂之仁人歟。不獨曾子也。孔子亦嘗曰。惟仁者能好人。能惡人。

久何前後相刺謬歟。或言仁者愛人之賢者而惡人之不肖者。然則顏子爲孔門具體而微。曾子爲傳道之器。而顏子簞瓢陋巷。葬而無槨。曾子緼袍無表。二旬而九食。原思日攘爲冠。辟桑皮而紉之。鶉衣則百結也。豈孔子之力不足耶。魯衛賦粟皆有常數。即季孫之饋。歲入亦且千鍾矣。孔子衣裘皆配色配物。食不厭精。膾不厭細。而三高足乃一寒至此。其故何歟。諸生學古思有獲也。卽此現前瑣

屑之事。條對而通其理。余將採而獻焉。

其二

問。聖人之所<sub>レ</sub>目治天下。與天下之所<sub>レ</sub>目望治者。宜無<sub>ニ</sub>古今異宜<sub>一</sub>。中外殊俗<sub>一</sub>已。是故君子動而世爲<sub>ニ</sub>天下道<sub>一</sub>。行而世爲<sub>ニ</sub>天下則<sub>一</sub>。溥博淵泉而時出<sub>レ</sub>之也。然何<sub>レ</sub>目同際有周維新之命。同居青兗咫尺之鄉。而治齊治魯。或有不同。周公曰。不<sub>レ</sub>易不<sub>レ</sub>簡。民弗能從。何<sub>レ</sub>又曰。解其瑟而更張<sub>レ</sub>之。然後乃可<sub>レ</sub>鼓也。聖人永生。道在<sub>ニ</sub>天地

聖人既生。道在聖人。聖人已往。道在六經。則先王之道尚矣。而先儒乃曰。是欲呂結繩之治理。亂秦之緒也。而徐偃宋襄。行仁義而敗亡相踵。抑又何歟。漢家自有制度者。倡矣。而識者乃曰。乃翁呂馬上一得天下。一時輔相諸臣。又皆厚重椎魯。大畧恂懦無文。遂使漢治不能復古。至今傷之。予輿氏有言曰。堯舜之道。不<sub>レ</sub>呂<sub>ニ</sub>仁政<sub>ヲ</sub>。不能平治天下。夫道至於堯舜極矣。而仁政乃如斯重且要乎。是故仁心仁

聞。民不能被其澤。法不可傳。諸後故詩曰。不  
愆不忘。率由舊章。總之兩言。而決之曰。徒善  
不足。以爲政。徒法不能。以自行。今文武之政。  
未墜於地。布在方策者。班班可考也。幸而處  
昌明之極運。不能更化善俗。而拘於淺近荒  
忘之談。一則曰如是已足。一則曰何必改作。  
所<sub>レ</sub>以誦詩讀書者。徒爲咕嗶之具。詠歌先王  
而已。豈不重辜先王之道哉。後有豪傑者起。  
將必非笑前人。因陋就簡。不能作新舊邦其



又何辭。曰解之。願諸君子。據其素蘊。悉心而對。爲國家煥文明之治。著之史冊。垂爲典章。光耀萬代也。

其三

問夏正建寅。殷正建丑。周正建子。周爲天統。殷爲地統。夏爲人統。學士大夫。夫人而知之。王者易姓。受命。改正朔。易服色。自古已然矣。是故夏曰平旦。爲朔。殷曰雞鳴。爲朔。周曰夜半。爲朔。蓋殷革夏。周革殷。故不從其朔而改。

之也。若夫夏君曰禪臣猶子曰繼父也。未有所革。則無有所改也。而何曰曰夏正。上古遠不可考矣。然曰草木之勾萌剥落爲春秋。至於黃帝堯舜皆制作之君也。獨不可指而數乎。欽若昊天敬授人時。倡乎曰寅爲正矣。曰閏月定四時成歲。乃反累其歲之首乎。璇璣玉衡者斗也。斗柄東而天下皆春。旣已察之。而乃昧其歲之首時之首乎。正月上日何月之正也。月正元日何正之月也乎。攝位而告。

於神宗亦曰正月朔旦矣。豈有嗣位十七年。一旦無故而改正朔乎。若然則夫子而行夏之時矣。又曰之杞而得夏時焉。未嘗曰唐之時虞之時也。其說必有所歸矣。諸生學於聖人。獨不聞食哉惟時乎。此爲政之第一義也。幸攄陳而明治之。

其四

問禮夫人先卒。不赴於諸侯。不成喪。書卒不書薨。無諡。不書葬。不反哭於寢。不祔於祖姑。

而隱公二年。夫人子氏薨。穀梁春秋曰爲隱公夫人。然歟否歟。或曰爲仲子也。隱讓桓成其爲夫人。而曰赴於諸侯。是曰王使宰賜之已。何曰不書曰葬我小君仲子。九年考其宮。何曰不曰夫人仲子之宮。何與義例相刺謬與。禮適士二廟。官師一。又曰大夫三。士一。明乎士不得爲王父立廟矣。又云其妻爲大夫而卒。而後其夫不爲大夫。而祔於其妻。則不爲牲。妻卒。而後夫爲大夫。而祔於其妻。則曰

大夫牲。明乎其妻有廟矣。於禮果有合否。疏云。此謂始求仕而無廟者。禮或然歟。諸生學古入官。當先明禮義。且研精六藝久矣。必知禮之所安。其悉心日對。毋隱。

○論

漢唐宦官論

爲邦之道。廟朝清肅。綱舉目張。冠攘姦宄。不作。而民風愿朴。禮義興行。豈非人君之大願。而治理之極則哉。然古來治自恒少。亂自恒

多。君子不幸生於斯世。臣一身係天下之安危。而作狂瀾之砥柱。更當永思其終。使寧輯無同流之恥。激揚無震竦之疑。斯爲善之善矣。愚每讀史。至漢唐之誅宦官。未嘗不廢卷而長太息也。夫宦官職任親近。日夕宮闈。諂媚母后。比暱姬妾。窺伺人主意。向憑城憑社。薰之則燔其木。灌之則敗其塗。漢不當藉之以威權。唐不宜授之以兵柄。禍已至此。誅之亦反。不誅亦反。無問愚智而咸知之也。而古

今獨呂其罪歸之陳蕃竇武李膺韓續。及唐  
之文宗與李訓鄭注者何哉。蓋君子舉事一  
不當。則宗社蒙其禍。而身受惡名。竇武貪天  
之功。訓注險壬傾側。固不足惜。至於陳蕃李  
膺。頗立名字。表表一時。文宗讀書求治。恥爲  
庸主。豈盡若史官之所記載。如鷹隼之悍厲。  
兒童之嬉戲。以致此酷烈哉。蓋事成則天下  
之善皆歸之。事一不成。則天下之惡皆歸之。  
理勢之必然者。漢不忍貴戚之專恣。初猶呂

貴戚浣濯之。其後遂謀及於中官宦豎。拉殺梁冀如狐豚腐鼠。而宦官驕橫。遂不可制已。譬猶去疥癬之疾。而毒入於膏肓肺腑也。諺云。疔之著人。在肉則割。在指則截。若夫癰麗於頸。而附於咽。不思所消之潰之。不忍忿憤之氣。而求捷效於一割。內則有性命之憂。外則爲當世所非笑。甚不可不慎也。桓靈之世。名賢碩輔。比肩接踵。不能爲訐謨。石盡而決計於女主。終呂婦人之仁。阻亂大謀。文宗



之朝。裴度李德裕牛僧孺白居易固在也。或  
間散。或放廢。而委心於訓注。撩虺蛇之頭。蹈  
虎狼之尾。失計固已甚矣。其後袁紹大肆誅  
夷。如薙草然。濫及於無鬚男子。崔昌遐來時。  
掩殺。使無噍類。皆不過二千餘人而止耳。其  
禍尚至於此。況有什佰千萬於此者哉。官官  
深根固蒂。結連宮禁。故不易除。況有自內自  
外。無賢無愚。無貴無賤。共爲附麗者哉。然則  
必不可去乎。曰。是有道焉。人君曰。方富之年。

操專明之斷。若能持之。曰堅定。守之。曰安靜。而行之。曰有漸。有罪不捨。有闕不補。彼宦官不能產子。生孫。行之數年。何患其不立。盡所謂過十萬之師。於衽席之上。折百尺之衝。於樽俎之間。天下之耳目不驚。而愚夫愚婦沸羹蜩蟬之議論不起。無智名。無勇功。於都盛哉。顧乃爲此急遽苟且之計。身被汗惡之言。而廟社沾危。亦甚無術矣。嘗謂天下之勢。如人之一身。不幸而有疾。極重而不起。但當審

察脉理。徐思拯救之方。畧俟其元氣稍復。然後進之。糜粥。或補之。或瀉之。所謂急則治標。緩則治本之說也。若一旦投之。附子金石。以劫其內。鍼砭灼鑱。以攻其外。必無幸矣。更可異者。漢患貴戚之驕蹇。賣官鬻獄。作福作威。而矯之。曰黃門閹豎。卒之所亡。漢者。宦官也。唐患藩鎮之悖逆。藉口軍將。遙執朝權。而矯之。觀軍容監軍。樞密左右神策中尉。卒之所亡。唐者。宦官也。故諺有之。曰前門拒虎。

後門進狼。茲則前門逐狐。而後門進虎矣。前車既覆。而後人復踵其弊。而增劇焉。則甚可哀已。然天下事固明白而易曉也。而蚩蚩瞶瞶者。方刺刺不休。先儒有言。厝火於積薪之下。而寢處其上。火未及。然方且泄泄焉。衆目爲安。即有智者。私憂而過計。則弱者怒之於色。而強者怒之於言矣。可勝歎哉。

孫子兵法論

世目孫武子爲戰將者皆非也。何目明其然。

也。其曰道天地將法者。治國之良謨也。何謂  
天。陰陽寒暑時制也。何謂地。遠近險易廣狹  
死生也。何謂將。智信仁勇嚴也。何謂法。曲制  
官道主用也。至於所謂道者。令民與上同意。  
可與之死。可與之生。而不畏危也。夫可與之  
死。可與之生。而不畏危。曰攻則取。曰守則固。  
是人君立國。舍此。又何求焉。若不得已。而曰  
正於天下。夫孰有違其顏行者哉。王者之師。  
不過如斯而已。而謂孫子爲戰將哉。北宮黜

者萬人之敵。撫劍疾視。人莫敢逆。至今名湮滅。不傳。孫子曰。全國。全城。全卒。爲上。破國。破城。破卒。次之。又曰。不戰而屈人之兵。善之善者也。又曰。屈人之兵。而非戰。是果。曰。戰陳。爲先乎。即於吳。試勸官人。可。曰。爲兵。與之。赴湯蹈火。而可。是訓練之善也。若孫子者。可謂大將也矣。不特孫子也。各犯之用。於晉文。管仲之用。於齊桓。皆此道也。孫子。齊人。祇不過修明管子內政而已。即太公爲千古兵家之祖。

其所<sub>レ</sub>用<sub>レ</sub>於武王。一戎衣而天下定。及其著  
書<sub>レ</sub>立<sub>レ</sub>言。亦不<sub>レ</sub>過如是而止耳。六韜三略者。非  
有<sub>レ</sub>異乎十三篇也。若不能<sub>レ</sub>用其民。而區區<sub>レ</sub>於  
天地風雲龍虎鳥蛇。部位進止。坐作擊刺。火  
攻水戰。用間用奇。則趙括之徒。讀父書焉耳。  
何兵之足<sub>レ</sub>法哉。

○說

加賀中將菅原綱判字取益說

爲人君者。上<sub>レ</sub>而天子。下<sub>レ</sub>至於公侯伯子男。無

非取諸人。曰爲國者。廟朝宮闕。犧牲粢盛。無  
俟言矣。即臺榭觀遊。皆取諸人。曰爲材。錦衣  
玉食。皆取諸人。曰爲養。至若取諸人。曰爲善。  
則寥寥焉。未有幾人。何也。是故取民之財。用  
民之力。逾其制焉。遂貽錙銖泥沙之誚。至於  
善。所謂取之。無禁。用之。不竭者也。何莫之取  
焉。昔者舜自耕稼陶漁。曰至爲帝。無非取諸  
人。曰爲善。與人爲善者。故曰。大舜有大焉。然  
而善取者。取之天。善益者。益夫天下萬世。即



耒耜之利。曰教天下。本取諸益。使天下獲耕  
稼之利。曰養萬民。則天施地生。其益無方矣。  
無方之利。誠天下萬物之綱也。已。繇是而五  
教。曰。術匡直振德。皆所曰紀焉者也。今天下  
人君之所爲。取諸其民者。皆損也。非益也。取  
人之財。益在帑藏。取人之善。曰爲益。在一身  
一國。若夫取天之道地之利。則益在萬世。民  
惟恐其取之不多也。字之曰取益。亦曰道之  
至大者。廣之爾。

源光圀字子龍說

龍也者。天之吏也。天穆清於上。無聲無臭。不能澤敷於下。土方不得不寄之。內外大小百職事。曰布天之令。如陰陽寒暑。時制氣候。風雨露雷。霜雪霧霰。各効其用。曰奏其功。彗孛薄蝕。狂飈震霆。恒雨恒暘。流金鑠石。亦各因其類。曰著其罰。而後成一。太和之宇宙。是故五嶽視三公。四瀆視諸侯。名山大川。能興雲致雨。潤澤萬物者。視伯子男。是皆龍之靈爲

之也。然則龍固託處於巖谷絕澗水之淵泉而雲氣生焉。大呂成其大。小呂成其小。龍之爲靈固昭昭也。有如天台雁宕則有大龍湫。小龍湫。河之南則有菊潭焉。周環一二十里。潭水如碧。間有葉飄墜其中。群鳥應時銜去。澄泓萬頃。一望無塵。是固龍之都也。瑜弱冠時。瞻仰中藏。歷少室。其上有龍池焉。方數武耳。非池也。名之爲池。梵之曰覺。居恒不蓄水。其中有穴如井。寺僧不履而汲。龍興則水溢。

而爲池。井則龍目爲宮焉。井泉清冽甘美。木  
滂固不增也。亢旱亦不減。自古及今。無有敢  
測其深廣者。中居老龍一。率其小龍五。各如  
其方色。皆子龍也。春夏之交。遊人好事者。齎  
香楮拜懇。則井中有氣升騰如縷帶。然稍上  
漸張如簾。其末益大。有一龍遊於雲霧之中。  
長僅尺餘。蜿蜒飄忽。但見其形。俚而已。不可  
迫而見也。少選。仍歸井中。烟氣散。池水涸。凡  
出皆小龍也。老龍則深居而簡出。先是有洛

丞龍同知者。聞之亦薰香虔禱。五小龍皆已  
送見。乃欲求老龍。一觀龍遂爲之伸一足。勢  
如攫拏。又懇神龍爲之見其尾。其長數仞。神  
光璀璨。已非池中物矣。而洛丞必欲見其全  
叩拜不已。老龍若然而外。井中水一時溢湧。  
崩轟噴射。懷山襄陵。山之下數里。而遙不雨。  
而水深三尺。禾苗盡偃。人畜奔狂。洛丞亦遂  
驚殞。至今爲構一小祠。肖其像於池側。亦所  
以昭戒也。後月餘。瑜燕於高文襄中玄公所。

日甫昃。忽爾晝晦。其僕報曰。西南隅望樓。黑雲密罩。咫尺不辨物色。又一小童曰。雲中都。是火光直透。或訖曰。此事太奇。座無他賓。瑜請撤席。主人曰。無害。此樓四面皆磚石。無可焚灼。頃之。烈風驟雨。燁燁震電。復報曰。有一龍自牖中出。騰雲而起。此時僮僕驚怖。奔走倉皇。未知其爲應龍虬龍也。命一僕登樓審視。久之復云。樓門封鎖嚴密。樓之上下。空洞無一物。樓北二牖。一牖平昔不扃不閉。凝塵

厚寸許。毫無蹤跡。無可見也。雨霽時已下。晡  
瑜卽告歸。次日相府遣一紀綱來白曰。昨日  
之龍起自牖間。窗外僅損一甍。遽使人謝去。  
不諗其詳。又三四日後。燕前所。太兄錦衣君  
曰。前日龍之出處。無可搜求。物物皆如故。視  
畢。諸弟悉已下樓。我獨凭牖遠眺。顧見窻口  
一磚漸昂。半掀之。則已損。龍正蟄於其中。取  
而視之。磚之下有形。泥之中有象。宛然一模  
範也。徑三四寸。蟠旋約可尺許。此又其最奇

者也。因歎曰。龍之神。乃至於此乎。是猶所謂放之。彌六合。卷之。藏於密也。夫膏澤布濩。資生萬物者。本乎仁。奉天之令。致天之討者。行乎義。龍。仁義爲德。龍之所。爲靈也。龍。風雨雷電。烜雲霧。變化無方者。著其靈。人君。爵賞刑威。生殺予奪。榮辱不測者。神其用。一也。昔魏文侯過段干木之閭。而式其御。曰。君何爲式。文侯曰。此非段干木之閭乎。曰。然。然。非有土之君也。君奚爲式。文侯曰。吾聞



段干木不肯已。易寡人也。寡人。光乎國。段干木。光乎仁。寡人。富乎財。段干木。富乎義。吾聞地。不敵仁。富。不敵義。寡人。安敢不式。古之明君。尊德樂道之如是。是已得賢而爲之輔。則雲之從乎龍也。詩云。芄芄黍苗。陰雨膏之。四國有王。郇伯勞之。仁也。又曰。有渰萋萋。興雨祁祁。雨我公田。遂及我私。義也。然則龍非仁義無已。爲靈人君非仁義無已。爲國昔者趙簡主是已。樂激事之。六年。給使又甚材也。

一旦悉明其罪而明法飭法得仁君之大道焉。義也。揚因事君五去。下士差與爲伍。今按差與當作。一旦舉目爲相而不疑有知人之濟哲焉。仁也。仁義兼施。賞罰明允。國臣大治。於是南威齊楚。西抗強秦。赫奕乎其有光也。是故進賢也。則曰帝臣不蔽。討罪也。則曰恭行天罰。其心兢兢焉。有賢不敢棄。有罪不敢赦。毫不敢以私意行乎其間。猶之乎龍之爲天吏云。

文體似記。似序。殊不似說。然說之意。即寓於叙事之中。固當是說也。

此題其體膠合。泛言龍。則曠蕩而易致於荒唐。合之君德。則龍統而易涉於僭擬。若欲以龍德合之諸侯。又不礙上礙下。自媿學荒識陋。委難著筆。之瑜自評。

源綱條字九成說

并序

世子閭下。會當冠。作之吉。之瑜承乏。奉櫛之賓。醺醴既將。敬名伊始。大名綱條。謹字。

之曰九成。順成德也。親賢樂善保大定功。  
好問好察繼志述事。日祈黃耆無疆受天  
之慶。

虞書稱蕭韶九成。鳳凰來儀。豈非日聲音節  
奏。悠揚容與。笙鏞搏拊。歡欣和樂。翕純皦繹。  
索索焉如貫珠。從律成文。井井然日立辨是  
故耳自聰明。心氣和平。唱歎清濁。代相爲經。  
故能致靈鳥來儀。蠢茲率舞。豈非執中日爲  
本。務生日爲基。溥博廣厚。高朗代明。錯行震

動。嘘煦潤澤。始條理。爲知終條理。爲聖。合九  
成。而爲一大成。軼咸章。駕濩武。是故千六百  
年之後。猶能使聖人心聆神往。經時之久。猶  
忘食味。不能曰言語形容。徒曰盡美盡善而  
已。后夔之技。爲樂。乃至於斯乎。是皆其條目  
也。必有爲之綱者焉。太舜曰。大孝之德。側陋  
外聞。登庸熙載。則克盡其爲臣。重華受終。則  
克盡其爲君。六府脩。三事治。九功叙。九叙歌。  
是曰維德動天。無遠弗届。是曰好生從欲洽。

於民心。能使天下後世觀者聽者莫不欣欣而興起焉。豈非至誠之感神乎。是故延陵季子喟然而歎曰。觀止矣。雖甚盛德茂日加矣。非然者。后夔雖聖於樂乎。豈能釋其四而增治定功成之美哉。然舜之德何日遂至於斯極也。譬之臺然。九成之臺亦天下之大觀也。矣。是果不日而成之。一蹴而可至乎。其始基之也。甞覆一簣矣。因乎丘陵。進進不已。是猶積德累仁。日新日日新。又日新。自至於斯也。

專其心。致其志。非類之徒。無瞽之言。勿使得  
撓其慮。逸欲之端。不急之務。勿使得紛其心。  
業積而不渝。功高而愈奮。有爲者若是。故能  
迥出雲表。俯瞰萬物之如斯也。若夫爲山未  
成。功虧一簣。掘井九仞。而不及泉。徒使有識  
者。愛莫助之。咨嗟歎息。而無已。豈能爲法於  
天下。至於斯極乎。事誠在吾。是曰君子。必要  
其成也。

赤林重政字尊五說

聖人諄諄焉重德，不重政者。蓋見當時徒文具大失先王立法之意，故爲此補偏救敝之論。後儒偶見曲說，遂謂煦妪足呂治天下而政教可廢，不惟不達聖人之旨，相率而禍天下者，必此人也。孔子歎美子產，曰爲古之遺愛，然亦謂爲衆人之母，能食而不能教。孟子譏子產惠而不知爲政，可知也。獨不聞舉直錯諸枉，能使枉者直乎。獨不聞徒善不足爲政乎。仁心仁聞而民不被其澤乎。獨不聞



堯舜之道。不曰仁政。不能平治天下乎。獨不聞諸侯之寶三。土地人民政事乎。獨不聞堯舜之仁。不偏愛人乎。故曰爲政。且德。譬如北辰居其所而衆星共之。總之。蘊之於躬。則爲德。設施於事。則爲政。無仁德。曰爲之本。則爲徒法。無政治。張弛曰紀綱之。則爲徒善。二者相須而行。不可偏廢者也。夫爲政。至於居所星共。則時雍風動。篤恭而天下平矣。其盡善盡美。孰大於是。是故惠焉而不費。欲焉而不

貪勞焉而不怨。泰而不驕。威而不猛。是五者  
非甚盛德曷足臻此。而謂所重在於政乎。吾  
故字之曰尊五。蓋進吾子於德也。吾見今日  
之訛。不特此而已也。非禮而謂之禮。非義而  
謂之義。買其櫝而還其珠。賢者爲而不肖者  
議可勝歎哉。

赤林氏名重政。而問字於余。余旣字之矣。  
又爲之說焉。蓋以吾子質性淳良。行將有  
政事之任。恐未聞君子之大道。而水以濟。

永。余故詳論之。曰廣其意云爾。

奧村沒明名德輝說

萬物本乎天。人本乎祖。今原於尊翁之名。曰生足下之名。曰著禮之效也。禮曰禮也者。動於外者也。又曰禮極順內和而外順。則民瞻其顏色而弗與爭也。望其容貌而民不生易慢焉。故德輝動於內。而民莫不承聽。理發諸外。而民莫不承順。足下顧名而思義。則自處必審矣。是曰名曰德輝。

清原李敬名務本說

孟子曰。事孰爲大。事親爲大。事親事之本也。守孰爲大。守身爲大。守身守之本也。孔子曰。君子無不敬也。敬身爲大。然則敬身敬之本也。君子從事於本敬。功要而行立。操約而用宏。從事於末。則雜施而無緒。勤苦而難成。故曰。堯舜之智而不徧物。急先務也。清其原。務其本。其德有不成者乎。從事者務之也。清其原者。知也。務其本者。行也。如是則萬事萬物。

均於此橐籥焉。可不知所務乎。事親守身。敬身之統於一敬。亦猶知仁勇之歸於一誠也。

野村重直字遂初說

人之初生。無有不直者。孩提啼笑。愛親愛兄。莫非天性。葆而弗失。繇此而大人不異矣。奈何知識漸開。詐偽緣起。習染日深。真淳日斲。赤子之心。盡爲外物所鑠。誠能幡然改悔。自遂其初。則其直如矢者。反身而具足矣。

今按舊稿足矣。下有靖節舊琴無絃云云。五十三字第十八卷所載琴研銘全文也。

蓋錄送舊稿時失其題誤接續于此故今刪之而足矣下文意不完疑有斷簡然無所考  
補

原慶順名善長說

吾子姓原字慶順。今欲於姓與字之間而爲之名。原者高平也。諺曰根原曰本原。蓋原者乃根極之處。易曰元者善之長也。元與原義理相通。善長者仁也。孝弟也。文言曰坤道其順乎。承天而時行。積善之家。必有余慶。宜名曰善長。仍其舊字曰慶順。

下川三省字宗魯說

銚利輕浮。均非載道之器。捷給儼巧。必無成德之人。孔門獨得其宗。乃屬曾氏之魯。而穎悟者不與焉。至於亟稱顏淵。不過曰如愚不愚而已。故字之曰宗魯。吾誠有大望於爾也。

夢梅說

余門人下川三省。彌月之時。其先慈夢梅而生。夫梅者百花之魁。而其實濟鼎彝之用。而且骨幹凌霜。清韻開泰。其非凡卉可知矣。子

果能明發不寐。念昔先人。則貞下起元。必有  
資於世用。若徒隨風開落。已爾。則與凡葩委  
地矣。棘心之吹。不大負乎母氏勞苦哉。

下川生感。母氏之先兆。欲曰夢梅。名其齋。  
意存乎觀感矣。吾思人不曰夢。靈夢乃曰  
入。靈耳。昔嶺南柳氏子名夢梅。有不在梅  
邊。在柳邊之句。亦曰誌感也。其後文名甲  
天下。科名魁多士。爲宋南渡偉人。是豈區  
區曰夢靈者乎。



五十川剛伯字濟之說

禮二十而冠冠而後字之尊其名也。子今年二十合於當字之禮且初學於我而屢召爲請。子姓源氏五十川發而爲源流而爲川皆至柔也。傳曰水至弱民狎而玩之名爲剛伯伯者長也是剛之最者也。二者固宜有以調劑之矣。書曰沈潛剛克高明柔克。易曰水火相爲用既濟剛柔正而位當也。故字之曰濟之。濟者水火之德也。而濟之者則人士之力

也。書不云乎。天工人其代之。茲曰。令月吉日。字爾。曰德爾。尚棄爾。幼志。曰順聖賢之則。夫勵志不撓者。剛也。自強不息者。誠也。內文明而外柔順者。柔也。則亦進於正直而平康矣。彼外爲陵厲之氣。而內實荏苒者。倒行而逆施者也。煦煦姪姪。一於巽軟者。之陽明之德者也。三者於何取法而效之哉。

今井可汲名弘潤說

語曰。河潤九里。是河曰長源巨浸。其潤之弘。

也宜矣。今井木上有水。津潤上行。陽剛中正。及物爲功。君子曰。勞民勸相。故曰潤其出也。有源而不竭。井養而不窮。施者受者。並受其福。不弘而能如是哉。是所謂有孚元吉也。故名之曰弘潤。

守元字說

元者於天之道。爲陽爲子。於人之德。爲仁。分爲君而形體爲首。書曰元首明哉。傳曰元者善之長。易曰復其見天地之心。先賢曰冬至

子半。一陽初復。又曰。貞下起元。是故元者天  
地之心也。太人不失赤子之心。守其元者也。  
生知安行者也。然天下生知安行者。希世而  
一人焉。其餘皆學知利行者也。又其次則困  
知勉行者也。及其知之成功一也。故曰復也。  
學者誠能復其初。則貞之下可曰元。而明德  
可曰明。其與生知安行者有異乎。儻復而仍  
與之剥。明而仍與之蔽。此其際亦危矣哉。守  
之乎。

伯養說

爲加賀守鍋島直能作

峭城守朝散大夫藤公名浩。自居於櫻岡也。別號櫻岡。名浩之字曰伯養。因請余爲之記。余乃先爲之說而可乎。蓋古之名賢。其名其字。類皆有說焉。如軾之與轍。戒也。六一之與樂天。志也。茲之所爲養者。戒乎志乎。余請得臆度而推原之。修而致養者。熊經鳥伸。納新吐故。養生家之所爲也。非此之謂也。進而有涵養之功矣。涵泳舒徐。不隨不激。含章藏垢。

不惠不夷。自好之士之所能也。非此之謂也。又進而有保養之道矣。節飲食。審嗜欲。喜怒不撓其心。好惡咸付諸物。君子之有德者也。非止於如是而已也。又進而有存養之道矣。生而有本。辟盎喻於四體。直而無害。剛大塞乎兩間。儒者之獨善者也。夫養至於氣。養斯大矣。心既存而性斯養。集其義而志已持。顧不大與。然君子之一身上。曰秉天之明命。下曰作民之父母。是故曰一人勞天下。不曰天

下奉一人獨行其道。非平治之規也。澤不下  
究。非容民蓄衆之理也。故曰。德惟善政。政在  
養民。然百姓顛連無告。而吾之耳目有限。晚  
世理弊多端。而吾之智慮難周。勢不得不藉  
賢人君子相助爲理。已。賢人之處心也。公而  
持身也。廉。公則生明。廉則生威。明目燭闇。闇  
之隱。威目銷奸宄之萌。如是則賢人之耳目。  
皆吾之聰明。賢人之智慮。成吾之睿聖。則已。  
登斯民於衽席而保之。如赤子矣。養賢。目及

萬民。古之人。豈欺我哉。然賢人明哲。知幾而  
不撓不屈。不可曰好爵。縻而飲食。泰也。交之  
不曰誠。而接之。不曰禮。則不可得而用也。故  
交。曰道。接。曰禮者。所曰養賢之道也。公其豫  
所曰養之之道哉。需其用。而將伯曰。助予無  
及矣。然余知公之能養也。余曰。管窺之。僅得  
一斑而已。知余豹矣。余門弟子。下川三省。寒  
畯之子。僅能隨俗。咕嚕數卷爾。非有頭角之  
崢嶸也。公慕悅聖人之道。特拔此子。而令從



學於余。可謂登明選公矣。非徒給之筆札。助其攻苦而已。凡飲食。凡衣被。凡居處。使令諸凡所須之物。無一不出於公之藏府。世有養之如是者乎。此子方穉弱。未知其爲干霄之豫章。叢生之棘心也。而凱風之長養。廼如是其至耶。夫凱風者。夏也。夏者大也。公惟不得賢人而與之。則已。既得賢人而與之。有不盡所長養之之道哉。周公曰。好士。故士至。士至而後見物。見物而後知是非之所在。故能正。

吾心。曰定天下。慎母。曰魯驕士哉。夫曰周公之明聖。必好士。而後知是非之所。在。今也爲民。父母者。當審其養之之道矣。慎母養其搢棘。而舍其梧檟也。慎母養小。曰失大也。

天地君親師說

萬物本乎天。人本乎祖。故事父孝。則事天明。今人生於天。而不思天。所曰生。是不畏天也。畏天者。畏彼蒼蒼之天。曝曝震電已哉。詩曰。天命靡常。書曰。顧諟天之明命。天之所曰命。

我者大。則我之對越者。自不得輕。上承其命。內明其理。故曰不媿于人。不畏于天。易曰。至哉坤元。萬物資生。孝經曰。事母孝。故事地。察地。振河海而不洩。生百穀。曰養人。故又曰。含弘光大。品物咸亨。人曰履之。而不知其德。曰食焉而乃忘其勞。是可謂之察乎。雖然柔順直方。坤之德也。卑牧定傾。地之道也。因地之利。而君子則之。亦所曰爲孝矣。存三之誼。君成之。五常之道。君始之。故君子事親孝。忠可

移於君。然則君也者。不獨公侯卿大夫之所盡命。抑亦庶人之所請共也。今按請字疑訛書曰。衆非元后。何戴。又曰。元后作民父母。是故夙興夜寐。謹身節用。忠之屬也。故曰。資於事父。以事君。義而後其君。猶之不孝也。夫孝子之事其親。一舉足而不敢忘父母。一出言而不敢忘父母。不止於養其口體而已。曾子曰。推牛而祭墓。不如雞豚逮其存。誠謂養則致其樂。承歡而聚順也。詩曰。明發不寐。有懷二人。然

而許世子止嘗藥不謹。身喪而名滅。故曰爲人子者不可。呂不知春秋禮曰。事師無犯無隱。左右就養無方。服勤終身。心喪三年。師之道不綦重哉。雖然乾稱父。坤稱母。共道何。呂承父子之道天性也。君臣之義也。共道君臣二句疑有誤其道何。呂明記曰。父生之。師教之。君令之。道等於所生。其必有呂矣。立身行道揚名後世。均有藉乎師也。烏而不重哉。烏而疑當作烏可自評此文雖分五段。然總是一意。中間通

曰孝字貫之。蓋孝爲百行之原也。師者立  
教明倫。統承天地。故第五段總包前四段  
在內。讀者須自理會。主敬是一篇骨子。却  
一字不露。中間更有主意在。明者當自得  
之。今按此文多缺誤。脉絡  
不貫穿。然無所考定。

書劍堂說

古無所謂文武也。或曰乃武乃文。允文允武。  
此古之所。曰誦帝王者。何謂無文武哉。曰非  
謂無文武也。文武之道無所分也。君子之德

欽明者爲文。剛健者爲武。無從得而分別之也。出則攘除寇賊。入則鎮撫國家。是故非文無以附衆。非武無以威敵。春秋時大國三卿。小國二卿。總師旅則謂之將。明弼諧則謂之相。無所謂文武也。如曰某將上軍。某佐之。某將中軍。某佐之。皆卿也。而後世始分門別戶。故經生學士。虛稱紈袴。長鎗大戟。安用毛錐。遂相惡之。如氷炭然。豈理也哉。迨至射不穿札。雅歌投壺。相傳曰爲美談。劉元海病隨陸。

無武絳灌無文其志甚偉矣。宜乎書劍之呂名其堂也。內呂詠歌先王。外呂肅清邊圉。亂則攘揚威武。治則黼黻皇猷。寧有量哉。項羽言書足呂記姓名。劍者一人敵。不足學也。豈知書劍之義者哉。

孝說

爲伊藤友次作

聖賢千言萬語。無非教人呂孝而已。夫豈無他道之可言哉。蓋呂孝之道大。而能周。約。而能博。微。而能著。積。厚。而生生不息。足呂與天。



地而無敵也。譬諸樹木之有根本。黍稷之有嘉種。枝幹節葉華實。無不於此具焉。君子豈不濬其源而徒沿其流乎。故曰。君子務本。本立而道生。孝弟也者。其爲仁之本與。豈惟仁哉。人心之德。盡於仁義禮樂智信。仁之實爲事親。義爲從兄。而智爲知斯二者。禮爲節文。斯二者。樂爲樂斯二者。又曰。事親弗悅。弗信乎朋友。然則千變萬化。皆所自發明。此孝弟而弟又所自廣其孝也。若舍親親而侈言仁。

民愛物。是之爲悖德。是之謂不知務。況敢言仁哉。然則孝者。止於事其親而已乎。曾子曰。居處不莊。非孝也。事君不忠。非孝也。莅官不敬。非孝也。朋友不信。非孝也。戰陳無勇。非孝也。五者不遂。戕及其親。敢不敬乎。故孝始於事親。中於事君。終於立身。誠曰立身行道。揚名於後世。曰顯父母。足曰爲孝之終也。昔者公明儀問於曾子曰。夫子可曰爲孝乎。曾子曰。是何言與。是何言與。君子之孝。先意承志。

論父母於道。參直養焉者也。安能爲孝乎。又曰。亨孰羶薌。不嘗而薦之。非孝也。君子之所謂孝者。國人稱願然曰。幸哉有子如此。所謂孝也已。孔子曰。君子也者。人之成名也。百姓歸之。名曰君子之子。是使其親爲君子也。是爲成其親之名也已。是三者皆立身行道揚名之則也。或曰。是皆爲孝之道。敢問其目而可乎。曰。唯唯。曾子曰。孝子之養老也。樂其心。不違其志。樂其耳目。安其寢處。甘其飲食。忠

養之。禮記曰。孝子之有深愛者。必有和氣。有和氣者。必有愉色。有愉色者。必有婉容。嚴威儼恪。非所<sub>レ</sub>目事親也。曾子又曰。往而不可<sub>レ</sub>還者。親也。至而不可<sub>レ</sub>加者。年也。是故孝子欲養而親不待也。木欲直而時不待也。是故推牛而祭墓。不如雞豚之逮其存也。孝經曰。愛親者。不敢惡於人。敬親者。不敢慢於人。樂正子春曰。一舉足而不敢忘父母。是故道而不徑。舟而不游。不敢<sub>レ</sub>以父母之遺體行。殆一出言。

而不敢忘父母。是故惡言不出於口。忿言不  
反於身。不辱其身。不羞其親。可謂孝矣。羅子  
曰。子不思父母生我。千萬劬勞乎。未能分毫  
報也。子不思父母望我。千萬高遠乎。未能分  
毫就也。思之。自然感愴生焉。悲痛萃焉。則滿  
腔皆惻隱矣。凡此非學不能及也。而近溪羅  
子又曰。於此不著力。理會而言學。是遠人目  
爲道也。縱是甚等聰明。甚等博洽。甚等精透。  
却總是無源之水。無根之木。用力雖勤。而推

充不去。不止。推充不去而已。即身心亦受用  
不來。善乎其言之也。孝弟之至。通乎神明光  
乎四海。無所不通。故曰孝之爲道大也。孝之  
爲道。治平天下之極則。非止於獨善其身而  
已。君子可不知所務乎。

舜水先生文集卷之十三終